


台灣史料汇编



中国文献珍本丛书

台湾史料汇编

(二)

江苏工业学院图书馆
藏书章

全国图书馆文献缩微复制中心

重脩臺灣府志序

聖天子統御宇內包含萬有雖遐荒
絕島亘古未經向化者無不降
而懷柔之教養之使皆有以漸
摩而成善俗其遐荒絕島之衆
初猶羣昧蚩々耳乃自感於

聖人之治殆如風行草偃翕然向治

通臻一道同風之盛焉臺灣一
域為海外荒島禹貢之書不載
職方之紀無聞始自乃明天啓
初為荷蘭屯處稍與中華通
往遂後為鄭成功竄踞恃險
負遠猶在四夷也我

朝定鼎

聖祖神武遠播收鄭氏餘孽而版圖之
設官置鎮十年生聚十年教養
由是臺灣一域已漸非昔日之
遐荒絕島今庫成歲予奉

命巡察重洋遠渡入其境人民濟濟
無雕題卉服之狀蓋浸潤於教
化涵濡乎養育者深且至也按

其戶口稽其財賦考其山川風
俗土物人情閱其城池倉庫壇
廟學校番社官莊兵農水利釐
然卒備退而準之舊有志乘則
掛漏殊多弛急志成於法制未
備之初不無因陋就簡越數十
年自不可同日而語矣竊欲即

而脩之值頑民吳福生跳梁持
節之使守埤禦暴宣化接綏之不
暇遑暇修誌系哉期滿復

命忽々數載矣甚缺焉甲子春旬

室閨地見從前舊乘已為劉副

使補葺人有同心猗歟休哉秋

九月奉

旨赴臺查勘武職良莊踰澎渡海巨
浸驚濤山川城郭依然如舊而
民風之醇人物之盛闕土之廣
利用之厚簿書期會之繁更不
可與康成之歲同年而語矣愈
以激

聖化之淪浹久而風俗移也劉君所

葺誌系又覺未盡其要曾謬

巡使給練六公而六公亦有

雅意增損之說迄

侍御范公赴臺與六公參酌

考訂諮討釐正逾一年誌成丙

寅冬二公寓書予曰重脩志

系業已刊刻告竣言之不文乞

為一序予不敏何以序為雖然
脩臺議者予素志也何敢以不
敏辭於是搜賢周環得其所紀
山川則瀛洲島嶼搜羅撫指之
無遺也田賦則納總納穗供輸
經費之畢存也風俗則居處習
尚書社語言之憲哉也其奇節

現行風流俊雅者錄之人物之
中水陸戎行班戍優恤之器具
於武備之內若古物產則素蒙
美弁珍禽恠獸之並呈而詩文
詞賦則天章雲漢光怪陸離
之炫目他如規制典禮職官學
校則又事核而該體嚴而備其

中有偏有脊弓曰弓綢踵事增
華蔑以加多一畫開而天地闢
二氣運而歲功成庶法修而

聖治彰所繫寧不重歟他日輟軒採
問不第知荒忽之為郢魯并
以歎 二公之用心有功於

朝廷者不淺乃援筆而為序

乾隆十二年歲次丁卯三月穀旦
福建布政使高山稗序



[illegible]

重脩臺灣府志序

閩地為古無諸之國而閩
之臺灣本土番部族琉球
之故壤漢唐開疆以來皆
以海外置之地入於荷蘭
其後鄭成功逐荷蘭竊踞
為巢

聖祖仁皇帝念天下一家臣服其
黎庶郡縣其土宇數十年
休養生息日就蕃昌土地
人民政事之大不可以無
志、於前者觀察高公副
使劉公相繼纂脩而規制
事宜未盡洽備今給事

六公侍御 范公奉

命巡視茲土乃與副使莊君太
守褚君共採舊聞旁搜衆
紀為徵引之據於是取新
舊二志增之損之有綱有
目余觀志之脩也與作史
同必彙從前之事合數家